

泉州府志卷之十二

公署

臨政有堂皇退食有宮寢古所云在官也以官為家則譏其持祿視官如傳舍又譏其速化夫早暮脩兩衙故事出而晝諾入而坐嘯者一人偃息之宇也政通惠流使人吁歛怡逸以飲以息而無堂上百里之患者千萬人斃之宇也若戎帥設鈴于閣列戟于門宮闔廣不過數十百武而屹然為干城重望焉是亦非徒誇建牙吹角之榮已耳作公署志

泉州府志

卷之十二

公署

文職署

督學試院在府城集賢舖即興泉道舊署

國朝乾隆四年知府王廷諍知縣李永書率紳士捐建中為大堂後為內署前為甬道左有東廊東後廊右有西廊為試士號所又前為儀門之外為大門大門之

外為轅門東轅門之外為提調堂西轅門之外為公署

為巡捕廳為供給所

廷諍自為記泉郡人文甲於閩獨考棚借用府學明倫堂

弊士甚苦之攷郡志宋乾道四年太守梅溪王公創貢闈今竟不得其址屬邑紳士欲以分巡道舊署改建因代請於院司皆曰可于是眾競輸貲官為任事不日落成遴才之地頓覺改觀俊髦接踵而興必倍往昔用

光我

朝作人之盛詎不休與是役也始于乾隆四年三月初二日竣于是年七月二十九日計費白鏹三千四百餘兩紳士及董事諸人功不可沒而經營量度倡率鼓舞諸令尹尤輝厥心後之君子其將動念于斯而時修葺之使不致若梅溪之創而無繼也爰序其首末而為之記十九年知縣于從濂拓號所改建提調堂於西移巡捕廳供給所於照牆外北向

興泉永道署在同安縣廈門

國朝雍正二年改駐

府治在城行春門內唐開元六年析南安東南地置晉江

縣泉州徙治焉

按唐久視元年析南安東北十五里復置武榮州當卽今州治也隆慶萬歷二

泉州府志

卷之十二

公署

二

志謂開元六年置縣州乃徙治恐誤

舊署在雙門前正北明洪武元年改

為衛二年知府常性改建今所卽舊晉江學地及風雲

雷雨壇州東倉故址中為正堂曰端本左為幕廳兩廊

為吏六房前為露臺隸亭甬道戒石亭

明正統二年立舊署戒石為宋

太宗御製銘黃庭堅書紹興二年奉詔立守王十朋重修又有高宗御書籍田碑紹興閒摹刻立于舊治戒石之右皆移立焉又前為儀門正堂後為穿堂東豐衍庫西架閣

敬事堂再後為福祿堂堂後有山古榕森列

障儀門左為土地祠右為府獄前為府門東

宣化二坊永樂十七年正堂及右廊儀門燬

宣德六年推官董敬重建正堂正統元年知府蔡錫於
治外門左右建旌善申明二亭十一年知府熊尚初重
建右廊及儀門天順三年知府張崑於門外建左右公
館成化十五年知府沈海重修二亭嘉靖三年知府高
越復修併立題名碑于廳事史于光記歷官題名非古也然有警勸之意焉郡守
佐爲天子親民吏上而孤卿岳牧政需以成下而郡邑
雜屬職需以舉得其人則上不勞而下之勞有序故天
子之澤易流而其治易成也不然反是然守佐尤爲相
須昔真西山守泉李果齋得以道學而爲之佐折知剛
爲倅而鄭守丙以貪刻肆于其上是故居官僚友又莫
幸乎賢之遭也賢不賢之間廉濫公私仁暴分矣邇者
郡守高公以我朝泉守佐舊無題名特鑄石置廳事以
寓無言之規屬光載言于首泉自秦及兩漢地尚荒朴

泉州府志

卷之十二

公署

三

景耀以後始置縣官至梁天監中乃析晉安地置南安
郡遷世至隋吏是者記無可考唐記刺史不及州佐宋
記詳於知州而州佐亦畧元雖有記而以記爲軒輊無
足多矣我朝自開運以來百六十年其可攷而知者守
三十八人丞二十五人倅二十四人推一十八人蓋郡
志久廢成化而上多畧迨後始得而詳也若其廉濫公
私仁暴之實非居是邦者之所敢知而田夫野老胥人
隸卒固有知者鑄成則指而上下之者至矣亦可懼哉
此公與僚友互相警勸之意也十三年知府屠倬設省愆所于府門內

西以羈聽理輕犯三十七年知府熊汝達建延賓館汝達

自爲記嘗誦法孔子曰君子居是邦也事其大夫之賢
者友其士之仁者大夫士何地無之而所謂賢若仁者
非必絕物以爲高獨善以成名而後人得而事之友之
也事之則其禮隆友之則其義重而君子不以爲失已
者爲其賢也仁也由是道也則士大夫何負於天下而
君子亦何往而非擇善之地耶泉入中國爲望郡雖近

俗視古差異而人才不少衰諸大夫士彬彬布列中外而遵晦家食者亦不下數百餘輩要之皆當時之選也苟不得入其地則不盡見其盛美幸而有事於此雖日與之周旋進退以擇其尤賢且仁者以廣吾嚴憚切磋之益又何病其為煩彼其致君澤民之術不有已試而未盡者乎是顧問之備也其居鄉處家之範不有躬行而獨得者乎是儀型之宗也其往來交際之節聲音笑貌之實不有式禮而莫愆者乎是攷已之資也謂人能浼已不潔者也謂人有私謁不公者也子賤成乎為君子樂正子優於為政其故可知矣而况於吾黨乎然則是郡也不可以無賓館久矣因謀於佐郡張谷泉君命工除地構屋於土地祠之左以嘉靖三十七年正月十五日日落成門堂垣壁飭然一新蓋谷泉君為名家裔素敦禮而有猷故規畫如制云他日客有過者坐而喜曰關典備矣是不可不記余曰非一屋之為有無也詩曰人之好我示我周行其尚有感於斯遂書座隅以為記

治內又有宴息堂三十七年熊汝達改為仰真取景仰

泉州府志

卷之十二

公署

四

宋守真德秀之意萬歷二十五年題名碑滿知府程朝

京磨而重鑄之朝京自為記泉南襟山帶海為七閩雄郡詩書弦誦之聲衣冠禮讓之俗彬彬

濟濟又稱東南文物隩區焉黎庶聚居生理鮮少凡山

阪海滙之利悉隸毫末而小民終歲勤勞難以贍衣食

頻年海警添募水陸營兵及額設泉州永寧二衛併高

浦福全崇武中左金門五所軍費以千萬計軍興旁午

縣官莫能時給率詣郡告急府藏空虛日凜凜焉待之

又海島糾焚易於藏匿羣不逞之徒搖搖喜亂居常仰

給粵粟邇粵中飢聞閩因甚宦茲土者苟非鎮靜輯綏

寬猛相參難為理也明朝逾二百年於茲舊有題名碑後至者莫可鐫入懼無以統會前哲因磨而重勒之細書銜名多畱餘地以俟載觀漢史守令長子孫今得三年滿考去者始無掛於吏議蓋三年閒其始至也民情未習習矣又將轉徙而去古稱聖賢得民之難以今之時今之人不尤難之難耶噫得民難矣叢民之怨又易易焉者大都民情不越好惡兩端而絜矩同民在不拂

其所欲無營利無逐勢無微名無納交以君子長者之心布平易近民之政莅期月三年之位懷必世百年之圖毀譽聽之公論升沈付之天命一日居乎其職一日業乎其官下不負民上不負君久暫去畱無關胸臆庶幾怨是用希而無畱惡聲哉此今日題名意也余以稔諸同寅仁和陸君晉陵劉君咸以爲然因令侍吏書之以求正後之君子

國朝康熙十二年知府王者都續立題名碑者都自爲記

天子十有二年歲澤溥化薄海內外罔弗暨訖臣者都方守泉之三載惟隕越是懼念泉古溫陵郡也其山川清麗其人物斌雅廼者兵燹之餘獨濱海尚有未靖嗷嗷衆庶鴻雁興嗟閒之水旱頻仍差繁役重正十室九空之秋莅茲土者厥惟艱哉寧昔題名碑前之君子姓氏燦若列眉年久石滿不能記載至我

朝開國越今三十年來守郡佐郡幾何人矣余不揣謏陋鳩工勒石而續之其在史官則有年表其在令甲則

泉州府志

卷之十二

公署

五

有點陟其在編戶之氓則賢否治弗實有多口余其何知焉蓋惟隕越是懼矣我不敢知曰其有聞于前我不敢知曰其有墜于後緬想蔡端明真侍講之名若在天上詩曰高山仰止景行行止願與後之君子共黽勉於茲五十年大堂就圯知府劉侃重修乾隆六年知府王

廷諍改建東西二坊曰輯和五邑保障雙江乾隆二十

二年敬事福祿二堂漸圯知府懷蔭布重修二十六年

大堂之西又圯署知府嘉謨重修

海防同知廳在同安廈門

國朝康熙二十五年從府署左移建乾隆七年攝廳事

白瀛修

西倉同知廳在晉江十七八都

國朝乾隆六年建

督糧通判廳在晉江安海明萬歷二十四年建署移駐

記安海距泉郡五十里而遙其地北阻府會南控漳潮諸島夷僅在襟帶間承平久而生聚繁室家鱗次闐闐節比昔村落而今奧區矣嘉靖之季倭訐突發萬室為墟當事者料民釀貲築為城堡保聚扞禦民用稍寧其後夷氛既熄經久慮疎城非公創不領於職方守無專官周慮於民社于時堡之縉紳父老走控上官臺使者下其牘或言置邑或言設鎮邑侯顧公議曰安海置邑如海澄誠便然必割晉南同之界紛更為難又必設官必建學必多創公署必措處輿臺一切廩祿經費猝未易辦宜畧做雲霄竹崎故事建設分府即以見在府倅一員筦之無增官之擾有保障之安計無便此者監司上其議直指方公深韙之為請於朝給印章文曰駐鎮

泉州府志

卷之十二

公署

六

安海用示專守堡人聞命驩欣鼓舞輸將恐後乃始揆日蠲吉飭材庀工卽城之西北而建署焉統以周垣拱以重門有堂有皇有寢有房賓館解舍罔不畢備蓋不煩官帑一錢而樑棟歸然矣經始於別駕汪公殷公繼之趨事益敏起丙午某月越戊申某月落成殷公干旌自郡來駐乃屬余記之余因是有感於謀始之難也自安海有城何日不議守官微方公堅決於上顧公調停於下百年之計未有定也前人議之數十載而不足二公定之一旦而有餘夫豈不惟勞民傷財之為兢兢要以利擇其大害權其細目前之偷安孰與百世之寧謐斯不亦慮始之善物哉方公名元彥歙縣人丙戌進士顧公名士琦太倉人戊戌進士今為給事中汪公名矩富川人由舉人殷公名光彥歙縣人通判殷光彥立題由官生若效勞諸役則碑陰具矣

名碑

黃鳳翔記別駕之駐鎮安平也蓋請自兩臺仰奉

郡巨鎮西有徽國朱文公祠是先哲過化之地也故其詩書弦誦材賢文物幾與郡城埒乃至帆海之艤艦積

著之闖閭貨賄叢集生齒繁夥他鎮城莫敢跋而窺焉
曩嘉靖之季島夷內訌耽耽梯棚者數矣其士民率力
捍禦宵烽晝柝迄用無他虞頃歲更藩失守海陬震動
當事者豫爲衣衾戒初宿以戍兵已乃董以郡幕皆于
士民弗便已又議建邑治弗果乃疏請于朝特葺公署
以郡別駕往臨之時郡方闕守別駕汪公攝篆事旋入
覲闕下當受事之日遙爲控制已耳今別駕新安殷公
故名卿胄由比部郎來莅是郡甫履任卽驅車抵安平
周視其雉堞署宇慨然興懷曰茲署之設奚爲者藉令
高居郡邸雍容諷議舉明旨而弁髦之將謂官守何爰
乃攜圖籍挈案牘卽安平公署听夕與居所爲董民正
俗剖斷爭訟鈐束卒伍皆如振裘揭領游刃中繁士民
咸德而頌之聽政餘暇則捐俸召工礱石勒題名碑于
堂左以待來者而屬記於不佞蓋唐元次山刺道州作
廳壁記上下百餘年開所博詢耆舊追遡良牧惟徐履
道于庶諸以貪猥昏弱蒙譏貶者不勝數也而呂溫謂
其章善不黨指惡非誣直舉胸臆足昭鑒戒嗟乎可畏
哉今夫聞譽則喜聞毀則怒見善若企見不善若浼非

泉州府志

卷之十二

公署

七

爲名計也乎古人有云求士於三代之下惟恐其不好
名顧有逃之而我隨有蓋之而彌章詎可以見見聞聞
巧匿剽取也大都里語巷譏猶之飄風過耳傳響須臾
卽青史美刺歷世不泯匪案籍繙閱未易竟也茲石也
勒在堂上昭然衆睹吏曹走卒胥日擊腹存之相與指
而評曰某也良某也無良口耳郵傳月旦相續它日有
如元次山者得熟數而稱譏之其可畏乃甚於青史後
志士不爲悚然懼乎是公所以勒記垂後之意也

仍居府署右

國朝雍正七年復從府署右移駐

經歷司在府堂右

司獄司在府治內西偏明成化十八年知府陳勉移建

僧綱司

道紀司俱無定處

晉江縣治在府治西縣置自唐開元閒署無可考相傳舊在州之子城東南宋太平興國七年郡守錢熙始建今所紹興五年令方丞增建元延祐二年主簿孟天祐脩明洪武初改府建衛府官暫於縣治視事縣門轉西而出知府常性易民居為縣門以臨通衢及府治成知縣韓居庸廼繕葺復故成化六年知縣蔣濬重建中為正堂前為露臺為隸亭為甬道為戒石亭為儀門堂左為幕廳右為土地祠東西序為吏六房後為穿堂左右為

泉州府志

卷之十二

公署

八

架閣等庫儀門之西為縣獄外為旌善申明二亭及延賓館成化十六年知縣吳雲移二亭於儀門內嘉靖閒

知縣汪宗之立題名碑于廳事

王慎中記晉江舊無題名而有題名者始于嘉

靖二十一年邑令貴溪汪侯宗之所為始侯至縣屬長吏久曠之餘歲又大飢侯補助收捄扶剔湔滌治功滋起民用大和乃命衆吏蒐獵前為令者二十九人得其名氏官里伐石鑱之立諸治堂之左以待來者而以記屬予其言曰自吾為此常憂邑之繁鉅而懼其不敏問地於圖而田之以頃計者五千問民於版而男女之以萬數者餘三十問士於學於塾而弟子之以業名藝占者至於數千可謂地大人衆而禮樂物秩誅罰勸賞禁戒教令行於其閒則今之施為非惟民之所由利害也當世之治亦將有攷焉吾之為此蓋欲取其效見於事愛在於民者以自勉以與人同好而共其利也故知其入則欲求其事以見其良法善政之所存得其事又欲

識其人以追其流風餘思於不泯故雖當官曠歲儉之
際勤於有事而獨不敢緩乎此且使好古之士為今之
吏用今之民欲以得志於治非禮易樂擅刑出賞宜
難以得志又勢之所不得行也令處得行之勢而非
漸之以馴久延之以歲祀猶不可冀於成今制官以九
歲為任而此二十九人者在任之間或陟或罷輒以舍
去無有滿制而任者其變易之數如此雖有聰明彊固
之材亦且因時便事營民所急以就當身之功孰能操
意悉力措無窮之慮以俟難必之時哉有誠心如古之
人則遵法於今而媿效於古亦何所不可冀黃朱召漢
所稱循吏其為政禮樂刑賞也必盡合乎古正使古之
為吏亦何以加焉在職之久近非可以自斷要以盡乎
誠心而止苟其一日心在而不敢以不盡此吾之志也
夫樂前人之善而思與民同之又不可不稱其不善者其意
良善所自為志知用今以合古尤非俗吏所及是可書
也昔漢高惠文景繼體遵業循良之盛始見於孝宣中
興之世桐鄉零陵成都膠東皆吳蜀萊楚遠絕之域循
吏乃在其境今上加惠元元卑警吏治方有意於勵精

泉州府志

卷之十二

公署

九

之功而晉江僻在粵徼後之傳循吏者宜有取於侯於
其時事甚相類然傳於文翁佚其字王成佚其州邑而
此石之存侯之傳其可以無佚矣余既述
侯之言而復論之如此使來者得考焉

國朝康熙五十四年知縣王夢說修

林洪烈記邑宰為民
父母諳屬一體聽政

宣教必有臨蒞之所堂之宏偉壯麗豈惟父母觀瞻所
係蓋通邑赤子精神命脉所倚賴也吾邑縣堂明初時
建相沿已久時葺時傾迄于頽廢幾千年來宰斯土者
理繁治劇無暇起而新之康熙五十二年秋山左王公
以儒員卓異躬膺

簡命來撫晉邑廉明勤慎匝歲之間政通人和公餘遂慨
然以重新堂宇為已任罄捐俸錢召工鳩材無纖毫擾
及閭閻而吾邑之紳士好義者出而相助不數月也烏
革輦飛黝堊丹漆巍然煥然矣復念衙署為退食之地
亦政事之所出也又解囊于宅之左治軒數椽宅之後
葺樓數楹昔柳子厚記零陵縣云君子必有高明之具
游息之物使之清寧平彝然後理達而事成今者軒成

棲起優游涵泳宜民之理善俗之事胥于此稱樂只君子民之父母豈特誇壯麗之觀燕息之具哉落成之日士農工賈咸相與額慶曰而今而後吾晉民得庇宇下也而不知皆邑宰王公之力也公字象巖籍隸山東滕縣余不敏特爲勒之
貞珉以記其盛云
雍正閒知縣葉祖烈王之琦復相繼修葺

丞廳在縣治東隆慶府志宋時有亭紹興五年丞閻邱次將母在官因舊亭新之名燕壽

典史司在縣治東明洪武初知縣韓居庸剏隆慶府志舊有景福堂冷然臺閱武亭清風佐琴廳諸勝

鹽場大使廳

未設衙署

泉州府志

卷之十二

公署

十

雒陽巡檢司舊在縣東十六都深滬

國朝順治十八年衙署寇燬康熙年閒改駐三十八都今所

龜湖浦邊巡檢司舊在縣東十六都烏潯

國朝順治十八年衙署寇燬康熙年閒改駐八都今所

鷓鴣巡檢司舊在縣東二十一都祥芝

國朝順治十八年衙署寇燬康熙年閒改駐三十六都今

所以上三司現賃民房
居住衙署未曾建立

舊署

附

唐六曹新都堂署即司功司戶司倉司法司兵司田六

叅軍廳也在舊州治前左右

歐陽詹記貞元八年刺史安定席公為邦之二

祀冬造六曹之都堂公表微而慮遠也天子建六官
綱紀天下分刺史六司用經緯封中猶天之有四時
而人之有四肢一時不若則歲罔成功一肢不和則
體莫全用公以六司之椽如股肱思安之與身之安
也火流定中將坏城郭親覽廩宇首視斯署既隕而
隘非凝神揆務之所日撫人民不則有國營宮室是
亦為政乃量羨府以度用指斯宇而命易又曰處湫
居卑非智也煩人蠹財非仁也吾欲全仁而就智藏
事者志之有司於是審基地程廣袤山節藻稅僭也
削而不取土階茅欄逼也革而是捐非約非豐允執
厥中然後計具材量日力山木則訓之如市人功則
稅之若時物樂民願未旬而畢飛梁三道而通負連
楣六接以都豁陽軒選引陰室旁啓挹以重屏翼以
迴廊睡黔黔以秘邃屹崇崇而宏敞夏處其達則炎

泉州府志

卷之十二

公署

十一

天以涼冬居其隩則淒風以溫足以寧肌靜心釐厥
職者也夫哲人有作不惟利身在利人不惟利今在
利後相斯堂者公侯卿士禮隔殊品公不之降也斯
不亦利人不惟利于身歟堅壯固護存延千祀人不
之速也斯不亦利後不惟利於今歟觀斯堂見公之
意時某某為司功司戶司倉司司法司兵司田皆外莊
內融懷材抱忠無回邪以蒞下有蹇諤以承上當時
之彥也請列于記左庶後之君子觀名訪德知夫是
堂有人焉建
堂之明年記

宋貢院在府治西肅清門內宋自乾道以前皆試士于

類宮五年郡守王十朋始以部使者館為貢院命節

度推官陳孔光成屋百二十六區

王十朋四月八日貢院上梁詩廣廈

初成萬柱標修梁巍跨玉虹腰况逢此日生千佛定引羣仙上九霄下筆蠶聲紛戰勢山林鷺友競遷喬

清源人物從今盛孝子忠臣滿聖朝又諸公和詩復
用前韻修梁欲舉絲先標聲撼春雷鼓百腰谿蟄蛟
龍欣得雨桐棲鸞鳳合冲霄清源水接南溟濶紫帽
山齊泰嶽喬學不負人宜自勉前賢勳業著三朝又
梁脊連年姓誤標兩州騷客瘦吟腰月河月滿燕賀
厦佛國佛生虹掛霄多士顏歡歌杜老一輪香滿賦
張喬此途不止為科第名節崔巍看立朝又貢院垂
成雙蓮呈瑞因成鄙語勉士子詩大厦垂垂就嘉蓮
得得開雙雙載千佛兩兩應三台歡意重重合香風
比比來人人宜自勉舉舉有廷魁又貢院圖詩陳君
少年登甲科紅蓮首泛清源波清源貢宇高峩峩同
僚宣力陳君多鞭朴不施成不日首夏上梁秋半畢
一點靈臺輪奐飛十幅生絹畫圖出蒼蒼嘉木森千
株新堤步步穿芙蓉移下蟾宮古丹桂飛來海上真
蓬壺他年君來作地主記得親會親斤斧雁過山中
寄我書要知多少新龍虎又元宵貢院張燈會客知
宗即席賦詩次韻欲送羣英入帝鄉預燒燈燭趣仙
裝銀花初合萬枝火金榜已含千佛光出海靈鼈駕

泉州府志

卷之十二

公署

三

蓬島逐人明月散天香笙歌鼎沸吟篇出元白於詩媿未昌

嘉泰閒郡守倪思嘉

定閒郡守真德秀太常宋鈞皆嘗增建

真德秀貢院舉梁詩萬閒

貢宇舊巍巍更闢新楹廣舊規豈為儒生決科計要
培宗社太平基又雲斤初運日逢甲虹影乍橫星值
奎天相斯文兆先見不須佳識指金雞又棘闈會闢
大江東喚起秦淮兩蟄龍况是此邦饒俊彥何愁盛
事不重重又明年丹詔下楓宸定有英材起海濱勉
取梁公舊衣鉢從今人說兩庚辰又梁脊伊誰姓氏
題梅溪去後有茗溪自慚拙守何為者強策駑駘繼
馱馱又憶昔文闈創造初揮毫紀實有鴻樞乃今盛
觀重輝赫試問他邦有此無又簪橐輝聯三大老節
旌相映四賢侯作成後進須先領時流作勝流
又策足巍科亦漫然當知致遠識為先丁寧莫負梅
溪祝名節峩共勉旃又貢闈慶成詩維南有州古
佛國選佛場開自疇昔誰歟經始梅溪翁萬桂森森
皆手植文風日盛賢材多粉袍立鵝肩相摩萬閒庇

士豈不欲環視奈無餘地何那知吉壤在咫尺鬼神
為呵天所惜一朝幻出青瑤宮山靈獻卜龍避席昔
虞局促今恢舒乘黃騁足騰康衢闢新葺舊兩輝映
美哉輪奐英雄規撫歲直金虬大魁出賸喜慶成逢此
日來春甲子又一週天相吾泉真可必蟬聯四坐皆
豪英一樽敬為諸君傾浮雲富貴靡定態要看名節
留芬馨我今歸作漁樵侶清夢猶馳筍江
泔鳳鳴側耳聽朝陽把酒空山為起舞
堂校文舍萬桂堂王十朋詩佛國新開選佛場蟾宮
分桂十千章邦人種德家家熟仙
籍題名葉葉香地占清光一輪滿門傳盛事五枝芳
東堂萬萬高攀手莫負君恩與義方又臨行至貢院
觀桂詩竊祿清源愧不才貢闈臨去尚徘徊
迴青青萬本新移桂盡是梅仙手為栽光華坊嘉
賓亭彌封謄錄所狀元井元至正十七年改為清源
站明洪武九年改為晉安驛

泉州府志

卷之十二

公署

十三

州治在雙門正北

王十朋即事詩泉南古州宅草木
有遺芳鷹爪冬猶綠闌提夜更香

佛柔朝暮異荔子歲年長惟有松并竹青青似故鄉
又觀郡守題名詩春秋美惡不嫌同老子韓非一傳
中壁上題名二百輩
卓然名世兩三公明為泉州衛今為提督署宋時

有忠獻堂閩書以韓魏公琦生此得名後易以清暑

守王十朋仍舊名

王十朋詩九夏炎方氣鬱蒸沈沈
廣廈有涼生仁風未慰黎民意何

忍堂中暑獨清又復舊額詩相出相州生此州巍巍
勳業出伊周後人莫要輕更改別有堂名勝此不又
用前一絕分韻得相字詩天作元聖配公非淺夫相
乘風來帝旁捧日到天上兵戎在呼吸端委見力量
三朝社稷臣勳業誰輩行堂堂國伊周勃輩安敢望
清源始生地風土至今旺釋氏從何得抱送真不妄
好事榜其堂嘉名無以尚何人輒更改有識為悽愴
端同聖削迹又類元覆醬思賢舊觀復聞風懦夫壯

堂上生輝光如公名始唱姦骨死猶寒如公昔為將
畫象出貂蟬疑公尚亡恙平生蓼莪心眷此應不忘
嗟予生太晚不識天人狀版圖猶未復畫錦無由訪
維揚金繫腰歎息為誰放一麾忽南來遺迹增慕嚮
當於異夢處祠堂為公創

國朝張雲翼清暑堂懷王文忠公詩泉南熏痛歲不寒鬱
蒸時候火雲攢昔年文忠來作牧酷吏齊驅暑氣殘
捐利與民使自槩水中不見催租瘢仁風既慰黎民
意閒堦應種青琅玕鼠不生牙雀不角清涼之域樂
且寬俸錢復割貢闈立簪裾彥登其壇中和堂中
還賦詩彤霞碧浪涌毫端文采久知擬晁董風猷自
許為范韓青天白日照千古磊磊落落人所難此心
原自如水澈寧有中和堂隆慶府志初名愛松宋時

建宋蔡襄詩偏愛東堂砌下松三年蕭灑伴衰翁寒
聲澹蕩潮初上疎影孤圓月正中清徹紗帷延晝
夢綠涵金盞帶春風自緣多病饒歸思便覺山林野
意通王十朋詩堂前老樹幾經春閱遍泉南舊老臣

泉州府志

卷之十二

公署

古

盡向中和堂上坐中和為治幾何人又愛松堂詩炎
炎畏日愛濃陰穆穆清風愛好音不獨愛松兼愛竹
此君亦有歲寒心又納涼詩鈴齋苦熱炎松竹生晚
涼颯然清我襟兀坐興味長我無柔下戀愛此獨不
忘願言勿翦我清陰常滿堂又詩官舍苦炎熱貢闈
快虛敞急呼玉友生閑共僚賞堂成桂植萬堤就
池分兩蓮開花並蒂荔擘珠在掌詩句聽細
論塵襟發清爽行矣北歸翁山林起遙想
有安靜

堂閩書蔡忠惠襄所作襄嘗于此書荔支譜孫櫛繼

守重書額蔡襄詩庭松永晝嘯春禽天氣初晴又半
陰惆悵此生多病惱正堪行樂獨傷心王

十朋復安靜堂舊額詩端明之孫字子強銀鈎鐵畫
傳遺芳昔年作郡古平海大筆親書安靜堂自從宣
和至乾道字與輪奐爭光芒一朝忽遭俗眼白毀滅
名姓深埋藏我來搜訪久迺獲老兵據為寢處牀滌
除五載塵土面字向堂上爭激昂祖為第一孫是似
書有家法稱莆陽體具萬安頰雄壯榜與忠同翺

翔因知文字迺至寶一時之厄庸何傷石鼓文有鬼神護淮西碑並日月光豈容民滅暴秦火誰肯膾炙段文昌書生作郡太迂濶理財聽訟俱非長吾君若問何以治堂復韓蔡祠秦姜今纔五日京兆爾眷此陳迹猶未忘但願茲堂日安靜名與國壽俱無疆又安靜堂詩前賢治迹尚堪尋留得堂名直至今若欲斯民盡安靜要須安靜自家心有志善亭明一統志宋郡守倪思建

又治後有宣化堂隆慶府志堂後累石為山有曲水

流觴後徙州治北治前有戒石亭

王十朋修亭詩君以民脂膏祿泉大

夫士脂膏飽其腹曾不念赤子貪暴出自謀誅求不知恥指呼有鷹犬嗜欲肆蛇豕但言民至愚孰謂天在邇昭然甚可畏殃必反乎爾聖訓十有六簡嚴具天理大字刻山骨朝夕臨坐起一念苟或違方寸寧不媿清源庭中石整頓自今始何敢警同僚兢兢惟勅已治後有北樓即唐歐陽

泉州府志

卷之十二

公署

十五

詹所記者

互見古蹟

王十朋重修

十朋自為記溫陵之有北樓猶武昌之有南樓

也樓閣臺榭之在天下以南北名者多矣而二樓之名獨著得非因人而重耶南樓以庾公重北樓以歐陽氏以一代文傑聯名韓李諸公真足以重茲樓也予乾道四年冬十月至郡越數日策杖州宅之北有屋將壓邪衆木以支之詢之乃北樓也惕焉不敢晚矧敢登有碑塵如積漫不可讀乃四門所作之記歎息久之郡舍老而敝宜修者非一椽然莫急於茲樓也第視事之始方問民疾苦土木之役非敢先郡多颺風日惟傾覆是懼明年春二月建貢院秋八月落成得餘材始命工葺之冬十月丁卯董役者以訖工告與同僚三四輩登而四顧山川城郭之富盡在目中亦一州之壯觀也既相與賦詩又為之詞日閩南有州北塘有樓席侯肇謀發揮以文樓乃有聞歐陽四門載建載修克紹遠猷鄭呂二侯歲月浸久楹腐榭朽伊予來守偶歲之豐時定之中迺鳩爾工材即其

餘費節其虛踰月如初泉山之狀桐城之壯可登以望身焉南極心焉拱北守臣憂國匪邀匪遊風觀瘼求守臣登樓民淳俗樸菑害不作登焉斯樂風俗媮媮問閭恨愁登焉則憂居而官理登時民喜登斯無愧又十一月望日與郡僚同登詩我來未作南諸侯雄文嘗閱龍虎歐泉山風物得大畧夢寐已先登茲樓到官正要訪遺迹忽見破屋城墻陬欲修不敢遽土木經歲此志方能酬貢闈之餘材可辦農事之際工乃鳩月逢建子飛破鏡酒呼從事來青州忽忽未暇眾賓集草草且與同僚遊山川城郭壯哉郡清源紫帽明雙眸却驚雲榭在地底坐見日轂經簷頭西山端可拄規視南海未用乘桴浮東瞻歸路與元亮北望魏闕心子牟揮毫欲續仲宣賦假日聊以銷吾憂又詩欲眠聽詩韓喜侯鋒難與爭劍鑄歐鈴齋淺陋無處著掛在縹緲之飛樓茲樓久欠詩酒味天遣我輩來遐陬塵埃聊用文字洗瓦礫遂獲瓊瑤酬賓朋未賞合開燕老病欲登宜杖鳩清風酌別記雲水制勝領客思夔州一江明月楚東醉全家終日蓬萊

泉州府志

卷之十二

公署

十六

遊南來不謂有此景四顧亦足窮吾眸朝看日出閩海嶠夜望斗插泉山頭端如號郡風月送不比巴岳乾坤浮登臨懷古甫白適賦咏聯珠鞏牟私心竊慕范文正後天下樂先其憂又臘月二十八日與知宗提舶分歲郡中啜茶於北樓賞梅於忠獻堂詩老病踰年卧晉江耽詩性癖未能降園林牢落梅經眼歲月崢嶸酒滿缸堂上焚香敬勳德樓頭回首念家鄉黃柑未拜蕭嵩賜鄉味分珍謾一雙又北

樓之上有二山亭宋元祐閒郡守陳康民建以對清

源雙陽二山故名淳祐四年守顏頤仲重建後廢

朋詩連年行役厭閒關踏遍千山見二山欲識泉南山面日羣山總在一亭閒又謝履有句云憑高直接

青雲勢覽勝又有雲榭榭為節度使陳洪進故築

朋詩山生平地榭生雲土木多應役鬼神好向危欄高着眼閭閻無限困窮人又五月晦日會知宗提舶

通判納涼雲榭提船用仙字韻卽席賦詩中寓四字
次韻以酬詩雲榭銜盃半八仙卻疑來自蜀山川地
如洙泗占高第人似羲和分昊天單騎雙翩成駟馬
杯羹淡薄從三鮮國風雅頌寂寥久太史採詩宜與
編又提船攜具過雲榭知宗出示和章復用韻詩不
須蠟枝上林端高處登臨眼自寬櫂極風翻梅裏白
荔支日照鶴頭丹山川滿目如京洛臺榭侵雲頰廣
寒賓主往來俱不遠如棠不比魯侯觀又九日登雲
榭詩九日無棕懶出關強登雲榭望泉山傷心不忍
看茱菊蓬鬢蕭疎淚點班元釋大圭詩老屋危臺雨
氣昏石苔不見舊纓痕當年霸業旌麾盡故國秋聲
樹木存度海雁行驚斷角近城螢火沒荒垣無人去
買長瓶酒一酌
陳王千載魂

通判廳名督糧館在舊州治西通判聽政所也舊有
清白堂在廳事西天聖初向綜爲別駕范文正公送

泉州府志 卷之十二 公署 十七

以詩綜摘詩中二字名堂又有康海堂在廳事東嘉
定十一年通判施誠一建

添差通判廳在譙樓門內東以官不常置廢爲隙地
寶慶初李端明韶卽肅清門外行衙爲治事所行衙
乃舊兵馬都監廨舍

節度推官廳在州治西有納涼軒在廳事西下瞰蓮

塘王十朋詩有客游蓮幕開軒更傍蓮披襟風未賦
遞嘯句先聯境淨涼偏足心清暑自蠲快哉誰與

共廣廈集羣仙淳祐中林希逸重建額曰水木清華堂曰桐

城道院面刺桐一株林希逸更名敬義堂廳西書院

三閒林希逸額曰卽心元推官徐居正重修後改爲
總鎮撫所

觀察推官廳在州治儀門西紹興閒陳俊卿重建龔
茂良修嘉定十二年李方子闢堂之東偏額曰好仁
明爲道署

僉事判官廳紹興二十六年因架閣庫舊地改建淳
祐閒董元龍修

錄事叅軍廳在州治西嘉定十五年郡守宋鈞重建
廳之東偏有齋

泉州府志

卷之十二

公署

六

司理叅軍院卽清源驛太平興國中改爲院舊在子
城內後徙肅清門外

司戶叅軍廳在州治側

司法叅軍廳在州治儀門側

主簿解在縣治西隆慶府志紹定閒趙時衎建西廳
額曰覽輝今廢

尉廳在仁風門外三里尉史居方建規模闕偉過於
縣解紹興十一年又廢舊址創景福堂築冷然臺中
門及閱武亭對藝四松冷然臺及門之內外皆插刺

桐復時五榕於廨後以培山脉淳祐閒王洵新劔東廳扁曰清風佐琴

南外宗正司在肅清門外本都監廨舍地改爲行衙建炎中又改爲司內有懲勸所自新齋芙蓉堂及池及天寶池忠厚坊諸勝景炎閒蒲壽庚畔降元盡殺宋宗室司遂廢

睦宗院舊在府西南襲魁坊建炎中南外宗正司徒泉因建於此中有元祐堂淳祐六年知宗希袞建嘉泰三年郡守倪思以其狹隘別創於府治西北居賢

坊是謂新睦宗院

宗學在舊睦宗院東紹興初建中有宣聖廟置堂曰彰化齋有三曰宗強曰信厚曰立愛嘉定十三年更堂曰崇教增齋一曰懷德更信厚曰升賢齋有長諭皆以宗姓講書教諭則以庶姓又有清源書院在睦宗院內知宗希袞所建堂曰習說齋四曰浚明嚴尊忠恕愛敬明時其地入清果菩提二寺

教授廳東有溫知室西有儒隱堂堂之前有萬卷樓下瞰泮地淳熙中薰鶚建今廢

都稅務在鎮雅坊街東熙寧八年建稅之目有七曰
門稅市稅舶貨稅絲帛稅猪羊稅浮橋稅外務稅嘉
定十年守真德秀移建于浯浦天妃宮前元移建改
名晉江務

市舶提舉司在府治南水仙門內卽舊市舶務址有
清芬亭以傅伯成有歲晚松篁期若節春風桃李自
多情之句故名元祐初置後廢崇寧初復置高宗時
亦罷而復置元季廢置不一明洪武閒仍置成化八
年移福州

泉州府志

卷之十二

公署

二十

元總管府卽宋州治府前有譙樓知府傑玉立修

吳鑿記至

正九年秋八月泉郡新修譙樓成何以書大復古也
曷大爾修而復諸古弗改作也先時省臺言守令多
曠官議選內外臺憲歷任廉能有聲之臣莅其職特
命正議大夫高昌傑玉立中順大夫古襄孫大英來
守泉州夏五月傑侯至舉直黜回姦壬革心罷行適
宜風休雷奮闔郡傳猶神明公退顧譙樓瓦腐木朽
凜朕其將壓喟朕歎曰是不可緩也於是郡人士好
義者出已貲佐公費市材僦工募以實直農工不撓
而游伎食力之倫利以仰給焉六月總管孫侯至命
屬令晉江仙源紀慶翁南安白榆等分任厥事用是
棟楹樑栱之蠹撓者隆楣桷椽題之摧毀者功易甃
蓋繕垣墉髹塼繪華外而粟中吏不與經畫工不
待督未及十旬重簷周阿嶽立雲飛壯麗完好悉復
舊觀公合樂命酒會僚屬賓佐以落之邦耆老士庶
鼓舞囂譁謂公真仁人出一言而興百世利樂
其事之成而已不與於其役也請詩以歌之

都轉運鹽分司在肅清門外卽宋添差通判廳延
七年置明因之後廢

脫脫木孫衙在府治西忠厚坊內至元中建以司議
察非常

石井鎮巡檢司在府城南八都安海市元時建明洪
武二十年徙于同安之陳坑故址猶存

港邊巡檢司在府城南二十都元時建明洪武二十
年徙于十六都之深滬故址猶存

晉江務在二十五都塘市明洪武初知府張灝移建

泉州府志

卷之十二

公署

三

于宋都稅務舊地改名稅課司

雜造局在府治東元時建卽宋廢提舉司故址也今
廢

潯漢管勾司在縣東南十七八都至正十六年置至

大二年爲司令司明洪武元年改爲場二十五年仍

置鹽課司轄倉埕二十所曰南崇曰前索東倉曰安

下曰前索西倉曰埕前曰清石曰徑山下浦曰壁兜

曰溪浦曰峯頭曰大南曰大北在縣十七八都曰西

峯曰沙美曰西鑾沙美曰阜通曰阜通東倉曰東埕

曰南埕曰北埕在縣二十都

明察院行署在泉州衛西舊城隍廟之左御史行部及都御史巡歷督學考校皆駐此成化十二年知府徐源劄建外門東西各置公館爲官屬候謁之所十八年知府陳勉復割東公館地增建後堂

布政分司行署在泉州衛西舊爲東倉庫址先時分司在府治東南集賢坊內成化閒知府徐源改建後改爲清軍館

按察分司行署在泉州衛東舊爲軍器局地嘉靖閒

泉州府志

卷之十二

公署

三

按察副使羅英改爲巡海道行署後巡海徙鎮漳州署廢今地併入提督公署

興泉道在泉州衛右察院之左卽宋觀察推官廳元初爲提刑按察司至元二十八年改爲肅政廉訪司至正十年監郡僉玉立修明洪武八年改按察分司二十四年分司移衛東改漳泉道行署二十九年漳泉道改爲福寧道嘉靖三年以山寇竊發特兼兵備

鎮泉守高越卽內堂西置吏舍增構後堂三倭入寇廼移福寧道駐省城另設興泉道僉

英于儀門內西建禮賓館南建拱極堂其後增修益備隆慶四年副使喬懋敬改清軍館為興泉道署添堂宇左右設書皂房徙居之虛舊署萬歷十八年副使汪應蛟復移原所後惟副使朱汝器仍之餘並駐新道署

同知廳在府署左

國朝移駐廈門

清軍館在府治東南儒學北同知聽政所也舊為布政分司成化十二年改為公館旁有羨地居民侵焉

泉州府志

卷之十二

公署

二十三

嘉靖四十五年知府萬慶復之後徙廳於察院西移興泉道署于此

國朝改為督學試院

通判廳在府署右內有一寄軒

陳琛記吾泉別駕姑蘇郭裕庵先生輦於

莅政之暇就其公署東偏構小軒數楹為遊息之所而名之曰寄公餘退坐靜而觀之大塊并包混闢無窮有以見夫天地為萬物攸寄之祖焉婉變突弁百年一瞬又有以見夫吾身之寄夫天地者焉浮雲簸風倏來忽往又有以見功名富貴之寄夫吾身者焉瀟洒淡泊無慕無營視世之人多方務求而必欲得之者若不足以滿其一噓况肯褰裳濡足而與之爭哉然則寄之為言亦有志於為君子者之所宜知而先生之以寄名軒其思致亦遠矣或曰晉祖佛老動稱逆旅過客放曠風流遺落世事寄豈儒者務實之

談與余應曰莊周荒唐固未得寄之深彼營窟執籌之徒口清心濁亦惡知夫周之寄也排難解紛而飄然不爲商賈如魯仲連者則深有得於其所謂寄矣今觀吾裕庵先生寄一寄之軒而不爲一寄之政利必要其所終害必原其所始革舊創新憂深慮遠未嘗有苟且欲速之意而何寄之云雖然世味塞胸而軀殼重焉則安能忘已以及人哉是先生之寄乃其所以能爲不寄者也他日寄聲高舉攀轅莫畱則茲軒也固爲先生之暫寄而甘棠在軒不翦不伐又將爲先生之久寄而後人之來寄于軒又豈無感發興起而思所以續寄者乎然則一寄之軒實吾泉人寄託之大者也余不佞爲作一寄軒記

國朝移駐安海

推官廳名理刑館在通判廳西後裁

檢校廳在府署東後裁

泉州府志

卷之十二

公署

二十四

知事廳在府署西後裁

照磨所在府署西卽舊推官廳後裁

司獄司在譙樓內東北仍宋舊也明移府治內

河泊所舊在縣東南三十六都法石市洪武十四年

設嘉靖閒移于城內萼輝舖今廢

稅課司在府治西南大司成坊左卽宋嘉定前舊都

稅務地洪武六年設正統十三年知府熊尚初重修

嘉靖十六年裁司廢

泃洲場鹽課司在縣東南十一都洪武二十五年置

轄倉埕一十四所曰東埕二倉曰西舊埕曰西新上埕曰西新下埕曰西新埕二倉在縣十一都曰新市上埕曰新市下埕曰蔡埭北曰蔡埭南曰圍頭北曰圍頭後曰圍頭後埭在縣十四都

菴上巡檢司舊在縣東十四五都圍頭後改駐二十
七都洋埭庵上今裁

圍頭巡檢司在縣東十四五都宋時爲寶蓋寨洪武
二十年以永春陳巖司移駐今廢

深滬巡檢司在縣東十六都洪武二十年從二十七

泉州府志

卷之十二

公署

二五

都徙建

國朝移駐洛陽

烏潯巡檢司在縣東十六都烏潯山洪武二十年以
安溪大西坑司移駐

國朝移駐浦邊

祥芝巡檢司在縣東二十一都洪武二十年從二十
二都石湖徙建

國朝移駐鷓鴣

織染局在府治左忠厚坊內本清源驛地正統三年

守尹宏建局景泰五年大使李敬增建今廢

染局先在南俊巷宣德三年因內使隱禮督造至君
建嘉靖三十三年守童漢臣移建府治後東畔內有
清玉泉井染色爲天下最舊有二碑記其事

陰陽學舊在府治東北靈感坊內成化二年守李宗
學移于崇陽門內左巷嘉靖閒移桂檀巷今廢

醫學舊在譙樓西偏爲惠民藥局洪武十八年改爲
學尋移于崇陽門大街右正統三年知府尹宏重修
嘉靖中改建譙樓左畔後廢

泉州府志

卷之十二

公署

二十六

僧綱司在承天寺

道紀司在元妙觀

南安縣治在蓮花峯南梁天監閒爲郡治隋開皇閒爲縣
治署皆無可考宋大中祥符閒建今處紹興嘉定閒令
邱之立張端方阜周相繼修葺又縣治之左有明遠樓

宋鄭丙有新建樓記後有雪堂一名致爽亦名梅堂

宋李

訖詩將梅作雪已非真用雪名梅轉未又有樓三閒額

親幸有西山橫爽氣品題留與箇中人曰黃華境界元至元二十三年署燬于兵尹李日燾重

建至大三年遷于郡城西至治二年復舊所十四年復

遭寇燬尹常瓚李宗閔相繼脩葺明洪武八年知縣王
罕永樂九年知縣余慶天順二年知縣鄒璉復相繼重
修中爲正堂左幕廳右神祠前爲露臺甬道戒石亭兩
序爲吏六房前爲儀門正堂後爲穿堂宴息堂右爲架
閣庫儀門西爲縣獄儀門外左寅賓館右羈候所南爲
譙樓爲縣門成化十八年知縣陳廷忠增建吏舍移武
榮坊左右旌善申明二亭于儀門外嘉靖三十七年倭
入寇譙樓燬三十九年知縣夏汝礪重建萬歷二十年
知縣蔣如京闢儀門前地重建大門塞東西二龍鬚巷

泉州府志

卷之十一

公署

二十七

徙譙樓于城東南

國朝順治十一年署燬于寇十三年知縣祖澤茂重建康
熙十一年復移建譙樓于縣前五十年知縣李承祖重
修大堂

丞廳在十七都羅溪

國朝雍正十二年移駐

典史司在縣治西

國朝乾隆二十四年典史范釗重建

大盈巡檢司在田坂鄉

國朝雍正十三年自大盈移駐

舊署附

宋丞廳在縣治東紹興四年陳安國建內有寒碧軒高
梧軒績文齋宣和三年張豸立

國朝丞移駐羅溪今地改爲豐州書院

尉廳在縣門內東北甲仗庫閱武亭皆在廳側八閩
通志其右爲景仙堂安靖堂豫軒清嘯軒

主簿廨在縣治東隆慶府志舊有寄隱堂冷香亭西
齋今裁

泉州府志

卷之十二

公署

三

都巡寨在縣東三都潘山紹興閒置元至順閒徙于
瀘溪橋改爲瀘溪巡檢明洪武二十年徙于惠安之
獺窟嶼今瀘溪故址尚存

石井巡檢司在縣西四十都下坊村紹興閒置元徙
於晉江安海市故址尚存

稅務在縣東三都鵬溪宋初設宣和閒始置監官元
移於金雞故址尚存

明興泉道行署在縣治儀門左舊爲左公館成化八年
知縣張鐸建宏治八年知縣黃濟改行署增置大門

左曰澄清右曰振肅嘉靖四十五年知縣甘宮增置堂宇

國朝康熙十一年知縣劉祐重修今廢

右公館在縣治儀門右天順二年知縣鄒璉建後燬

連河巡檢司在縣南四十六都洪武初設二十年徙

于同安之峯上故址尚存

灣頭巡檢司在縣治西十一都正統閒建後移四十

三都石井灣今裁

陰陽學元附三皇廟成化二十二年知縣陳廷忠遷

泉州府志

卷之十二

公署

二十九

于縣治南應魁亭右今廢

醫學元附三皇廟洪武中建縣治西甘棠坊內今廢

僧會司在延福寺

惠安縣治在府東北螺山之陽宋太平興國六年建署左

有鳴臯堂

隆慶府志宋縣令李集嘗以一鶴自隨登斯堂與人士商榷古今鶴侍其旁時或長鳴聲

徹雲裏故名

又內有中庸堂歲寒堂瑞溥堂瑞桂堂見梅堂

又廳事之東有漏室

謝起宗漏室碑銘惠安為邑已百七十有六年所更邑長亦六十有

四政類不暇恤挈壺氏之事民間生子者諏時於野巫夜半行人或發疑於四鼓夙興之勤無所於稽授時之道有慚他邑紹興二十四年三月福清林昌言始尹邑事未浹辰閒百廢具舉惟是午夜鼓人失節一日語同

僚曰今早晚衙率謹時而官無其拘縱得之晝復失之夜不可謂政會建安日者張仁能其事遂使營之陶土為壺揭木為籌三十有八以驗晦朔弦望遲疾出沒無毫釐差創於蕤賓之吉成於夷則之望闢廳事東廡以寅之同僚相與觀焉僉曰天地相去凡八萬一千三百九十四里周天凡五十一萬三千六百八十七里日月循環冥冥難測皆不逃於茲漏之涓滴嗚呼休矣乃屬菱溪謝起宗書于石起宗併請銘曰陶土揭木注水其中水之增減天地攸同誰不知時伊廳事東六十四政因循俟公昔諷且疑今焉雍容吁千萬年自我折衷

元至元十三年署燬于寇二十二年重建至正七年又燬明洪武四年知縣時汝楫重建更闢廳事中為正堂東為幕廳西為庫房後為燕堂寢室前為露臺甬道戒石亭兩序為吏六房南為儀門又南為譙樓下為大門

泉州府志

卷之十二

公署

三十

八年知縣安景賢置申明亭于治南名賢坊內十六年

知縣閻宏置旌善亭于治北登龍坊內宣德七年知縣

高顯重建儀門正統七年知縣閉頑重建譙樓及旌善

申明二亭先是邑有遺讖不利改作自宋迄明隨時繕

葺不稱觀美至成化十八年知縣張桓重新之部置方

位無易於初而規模視昔加大嘉靖三年縣志作三十年知縣

萬夔移旌善申明二亭于縣門內之西隆慶五年知縣

葉春及作君子堂于儀門之東春及自為記今有君國

宓子必本於魯惠安君子之區也又當輿馬之轅至於斯者皆得見之於是作君子堂堂在儀門之東作於隆

慶五年三月踰月告成肅客而入
受教而退而今而後鳴琴而治矣
萬歷三十九年知縣

楊國章置輕監一所于儀門右

國朝順治十一年署燬于寇知縣楊鶴齡新之康熙十七

年復燬知縣胡雲龍重建雍正七年知縣韓從王重修

典史司在譙樓左明洪武四年知縣時汝楫建

良輿巡檢司在前途鄉

國朝乾隆二十五年建

舊署附

宋丞廳在縣治左熙寧中創紹興中修舊有堂扁曰西

泉州府志

卷之十二

公署

三

爽淳熙閒丞許鈞再建易扁靜簡又有西亭在廳事

後

簿廳初在縣門外後乃遷于皇華驛東之雙荔亭

尉廳在縣門外西熙寧中尉章術廢海道巡捕司始

請于郡撤舊亭宇而更新之廳陰有池南北為二亭

南曰四美北曰望雲

明察院行署在縣治左今廢

布政分司行署在賓賢坊正統六年知縣閉禎以稅

課局舊址建成化十八年知縣張桓修今廢

興泉道行署在縣治左卽宋皇華驛地洪武八年知縣安景賢建正統十一年知縣閉禎增建門外立肅政激揚二坊今廢

府館在龍津橋南舊爲南塔堂宏治閒建今廢

停驂館在北關外舊有娘宮萬歷壬寅年知縣甯維新因其舊址改建

峯尾巡檢司在縣北八都峯尾村洪武二十年自十都沙格移設成化十八年巡檢劉森重修今廢

獺窟巡檢司在縣南二十二都獺窟嶼洪武二十年

泉州府志

卷之十二

公署

三十一

自南安縣瀘溪徙此成化十八年巡檢俞琮重修今廢

黃崎巡檢司在縣東南三十二都黃崎村洪武二十一年自德化清泰里徙此
十九年巡檢孫約重修
今廢

小岞巡檢司在縣東三十都小岞村洪武二十年自二十七都小兜徙此成化十八年巡檢孫約重修

惠安場鹽課司在縣東南二十二都洪武二十五年設倉埕八所曰廣運曰西湖曰林內曰前坂曰坂西

曰下坂曰上倉曰下倉今歸鹽政

稅課局在縣治賓賢坊宋為稅務洪武三年改今名

後為布政分司公館

河泊所在縣東北三十四都輞川灣洪武十六年設

後圮官寓海潮庵

陰陽學在縣治南洪武八年設今廢

醫學在縣治北文明坊右郎舊惠民藥局今廢

僧會司在縣治東北乾峯寺今廢

道會司在縣治北東嶽今廢

泉州府志

卷之十二

公署

三三

安溪縣治在鳳山下五代周顯德二年南唐建署

唐敦仁記夫萬

戶而置郡千戶而置邑古制也泉之為郡古矣小溪塲

西距漳汀東瀕濱海乃泉之一鎮守也地廣二百餘里

三峯玉峙一水環迴黃龍內顧以驤騰朱鳳後翔而飛

翥土之所宜者桑麻穀粟地之所產者麀塵禽魚民樂

耕蠶治有銀鐵稅有竹木之征險有溪山之固兩營之

兵額管二千餘人每歲之給經費六萬餘貫地實富饒

是豈不足以置縣歟敦仁奉命以來視事之始既嘉山

川雄壯尤喜人物夥繁思築而縣之乃以狀請於郡太

守未幾而報可之令下增割南安近地新揭清溪美名

敬奉以還大懼弗稱矧新邑發岡自乾亥而來轉勢從

辛兌而入向丙巳以奉離明之化流寅甲以伸震疊之

威左環右接如抱如懷前拱後植若揖若拜析為四鄉

一十六里通計一邑幾三千餘戶梓列以圖卜契我龜

當三農收斂餘暇適二營番戍休閒便近之戶役止三

日而民不告勞築作之工計不踰年而兵不憚用崇門

豎樓所以嚴其勢繩廊周宇所以處其吏屋不華而加

壯寢僅足以爲穴居民鱗次雍雍然以和官解翼如濟濟而有辨由陸而至者必出其途自水而運者會流於下坐肆列邸貿通有無荷畚執筐各安職業土沃而人稠風淳而俗朴真東南形勝之地實疆場衝要之區也初經營於顯德大火之首冬遂落成於明年小春之下澣苟完苟美不至侈矣日庶日富又何加焉其奈地華人質業儒者寡是豈教有未及者歟殆亦有待而化者歟豈知夫秦奢魏褊俗若未易以轉移伯清惠和聞者尚能以與起顧在上之人所以作之者何如耳敦仁不能遠引古者之說以爲喻請以鄉邦之事而昌言之可乎爾聞之初人未知學自常公觀察以來有歐陽四門者出豈曰彼能而我否孰謂昔有而今無蓋未然者猶有所待而然未至者當有所勉而至齊變至魯魯變至道盛事鼎來以荅山川之靈雄名日起以續龍虎之號日教之令固不敢不勉而從令之教爾邑之人當交相勸勉以副令之願望猗歟休哉又建縣解詩喜聞禾稼恰登場何事官工土木忙辛苦一年方幸息役勞三日得無妨未師陶令好栽菊且學召公初種棠饜腹于思

泉州府志

卷之十二

公署

三十四

寧免誚不須執朴課程章

宋令蕭仁憲增修吳在木建譙樓年分無

考紹興閒令韋能惠孫昭先嘉定閒令陳宓相繼修

陳宓

自爲文藍溪古縣桐郡名鄉市環千室之絃歌水繞萬山之耒耜民居錯落既日盛而歲繁公宇卑陋顧風旁而兩上庸改高明之觀以通幽隱之情役不及民財惟節用耽耽梁棟夏涼冬溫以俱宜衍衍賓僚辰入西歸而共治必省內以無慊斯面南而不慚未能鳴單父之琴遠希子賤姑少葺襄城之廨近效忠宣肇舉修梁敢申善頌

嘉熙閒令黃堅叟重建譙樓

徐克濟記方唐之季是邑僅以場名至保

大中始改爲縣時則清隱先生詹君肇基此土首披荆棘以創縣治雖髣髴古子男之制而開闢草昧百度猶闕我宋龍興版圖混一膺民社之寄者皆奉天子之命而來訊之圖牒蕭君仁憲而下增做舊址至於吳君在木以懸前地形高仰迺平而就下建鼓樓于上俾四承之會順流而南自此風氣以開民物豐阜近世得人邑

治之中百度具舉於是公堂有宇既以鼎新勅書有樓
又嘗再葺惟鼓樓日兩衙夜五漏所以宣德而聳觀聽
者在是歷年滋久東傾西墜嘉熙四年冬三山黃公堅
叟來宰茲邑以為闕典明年鳩工庀材即冬至之日始
事盡撤朽腐而新之又明年冬十月畢工正樓居中挾
樓旁翼二亭兩峙東為宣詔西以觀民材木魁梧勢面
雄壯傑出乎溪山之上淳祐閒令趙璣夫修署元至元
篆縣額者蘇潮文瓘也

閒尹何克明明洪武閒知縣侯士舉潘靖繼修譙樓正

統十三年署燬于寇僅存儀門

按八閩通志載廳事之西舊有道愛堂其興廢

無考景泰閒邑人巡檢李森捐建正堂天順初知縣楊紀

建後堂及吏六房修儀門復譙樓成化中知縣方汝榮

建吏舍宏治中知縣吳璉建申明旌善二亭嘉靖三十

泉州府志

卷之十二

公署

三五

七年署又燬于寇知縣蔡常毓重建中為正堂堂後為

後堂架閣庫

木宋舊迹原名省庫

堂東為贊政廳西為土地堂前

為露臺隸亭甬道戒石亭兩序為吏房又前為儀門譙

樓樓左右為申明旌善二亭東為寅賓館西為縣獄宋時

獄在縣內西有勸廳三閒扁曰盡心咸淳五年南為縣
修改名求生堂下為兩廊四房四今建于此

門詹彬記邑自後周顯德中余始祖敦仁公開先縣治
邇因倭賊煽禍官廨民舍蕩無一存者前峯蔡侯至

邑經營造置聚財鳩工縣堂公宇樓櫓神祠以次修舉
民不告病事因以理邑老稚觀者嘖嘖稱歎侯亦何修

而得此哉嘗讀詩衛遭難文公徙居楚宮營治宮室終
之致民富庶詩人誦之曰匪直也人秉心塞淵夫虛浮

則無實淺率則易窮人能操心誠實而淵淡則何所為
而不成侯惴惴無華行從其言所以致此者有其本矣

邑博石軒汪君等詣余求文為記余宜以不文辭也顧
舉也者民王淋彭恕等呈請侯遂以狀白於撫院涂公
巡按院胡公分守楊公守巡何公郡守萬公僉報可其
年冬十二月始事越明年丙寅夏五月告成功公堂扁
日忠愛堂後耳房曰架閣庫後穿亭扁曰公廉又後堂
扁曰退思堂之東曰贊政廳西曰土地祠甬道中曰戒
石亭兩房各五間為房科書辦卷宗前為儀門門外東
西二亭曰申明旌善外為譙樓樓之東曰南北預備倉
堂之東畔數步許為典史衙規制如舊而閣壯偉麗視
昔煥然百倍矣計費金五百有奇咸出於侯之贖金俸
資士民感侯之義各致助有差故成功迅速如此也董
其役典史楊明鄉官詹洧把總官黃大任陰陽官吳主
信者民陳恩吳主謙分督其役皆有功於縣治例得兼
書庶來者有勸也侯諱常毓字需成領已酉科鄉
薦歷今官廣東東莞人前峯其別號也是為記
隆慶

閒知縣章廷訓立題名碑於廳事

廷訓自為記安邑舊無題名題名自今創

泉州府志

卷之十二

公署

三十六

建始題者何紀司牧者名氏官里若春秋凡例書地書
名書氏而表年以首事者也余承乏安溪閱四年所矣
歷稽往牒莅官游宦分猷理民者不可屈指數粵自詹
敦仁公開先縣令迄于明興上下數百載閒升落不同
致績亦異志邑者取其功德最著列之名宦以標表來
世矣而奉職循理可以為治者亦例得兼書也然自嘉
隆以後舊志所未載者不幾於湮滅無聞乎今始蒐獵
典故得四十九人書其姓氏官里付剞劂氏勒諸石俾
後之繼合者得以循名而索實而凡有德澤之在人心
事功之建立於安溪者人咸睹而思之曰此某愛民父
母也詐獨名之存已哉嘗觀傳循吏者於漢文翁佚其
字王成佚其州邑余有感而為是刻而後合之傳可以
無佚矣
萬歷閒知縣陸萬里作內獄
何喬遠記喬遠讀是為記
所以教百官理獄之道也時其飲食潔其寢處視其疾
病閉而幽之隔而別之若曰令其法死毋合以不法死
而其再三叮嚀之意曰身其康強子孫其逢昌然則名
之為囚而以四死之名之為囚而以囚虐之者高皇帝

之所誅也安溪縣故有獄在儀門之外卑陋不足居囚囚罪無重輕盡繫一處民以輕罪繫者老囚率衣食之索求不遂卽虐之以楚撻有犯竊盜罪者老囚卽教之誣引非辜令皆被繫索取其貲財聽索取者卽教竊盜之謬報曰妄言不則楚撻如前文致之於官亦無所得脫蓋無辜被累多有至三四十人或一二十人者桂林陸公萬里來爲令數月察知其情懸金獄中令受害者得鳴金自訴久之慮輕罪甘受老囚虐者不敢以聞則復處羨帑餘贖建內獄一所局別老囚其中輕罪者令處外獄如故民間有以竊盜告者必人賊兼獲廼繫之否則率與保任或解釋焉於是獄中無株蔓之囚卽輕囚繫獄亦無所苦居一歲餘而公以被劾去安溪人思公之盡心於民無從見所以不忍其去者命余記之夫古之君子居是官焉則不敢玩其去者不玩故其及於民周悉而精詳是雖公之一節而其抑強扶弱之意深有合於大誥所以幽閉隔別之道此高皇帝當時之所旌而猶不免於去則三十二年知縣高金體移土地祠予記尙烏可已哉

泉州府志

卷之十二

公署

三

于寅賓館後以舊地爲儀仗庫四十六年知縣賀詳移譙樓於署後改匾曰龍鳳名區

國朝順治閒知縣關宏異重建正堂堦前長亭康熙十二年知縣謝宸荃重修正堂及贊政廳及吏舍內署乾隆二十二年知縣莊成改建土地祠於頭門內西

典史司在縣治大堂東明天順七年典史謝日新建

舊署

附

宋丞廳在縣治西隆慶府志宋時有竹軒溪光亭明永

樂閒省久廢

宋陳宓記親民莫如令由漢以來必寘丞以貳之曰丞者贊助正救之云爾

有疑必咨於丞丞有言必忠於令事或便民議而行
之少有不便止之惟恐或後可否相濟不立私見惟
是之歸丞苟得人令亦寡過然則丞之任不輕矣安
溪地踰百里僻遠而民貧令於民事固當究心丞於
邑事尤不當坐視而不之告也然居是職者往往參
治關市之征曰吾能寬民薄稅足矣至於邑事弗理
則曰非我也如是而曰不負丞可乎

主簿廳在縣堂西明永樂閒省久廢

宋趙時傳記安溪為邑幾三百

年司簿領者固多賢士寓處壁記不立漫莫可考時
傳充員踰歲復解宇於縣治之西宗學教授陳一槩
記其事矣問先後名氏於耆老才得二十人竊謂居
是官者往往卑之玩歲愒日不屑以事業自見况窮
山小邑益不足起其怠是豈設官之意哉勾稽事於
民最切民之休戚在貳歲之出入在簿書吏並緣為
姦特原於此苟吾愛民之心不至憚勞好佚其害有
不可勝言者而以官卑自恕可乎○按縣志云此記

泉州府志

卷之十二

公署

三六

舊志皆載陳宓作味時傳充員踰歲
六字應是主簿趙時傳所作今改正

尉廳在縣治之南與丞廳隣面溪前有新堤內有甲

仗庫閱武亭東偏有來薰堂西偏有梅隱齋

惠民藥局舊在儀門內西嘉定中令陳宓建

陳宓自為記安

溪視諸邑為最僻溪山窮谷距縣有閱五六日至者
又氣候多燠春夏之交雨淖則河魚腹疾旱則瘴瘡
作焉俗信巫尚鬼市絕無藥有則低價以買州之滯
腐不售者貧人利其廉閒服不瘳則淫巫之說益信
於是是有病不藥不夭關幸矣詩曰藍水秋來八九月
芒花山瘴一齊發時人信巫紙多燒病不求醫命自
活嗚呼獸且有醫而忍吾赤子誕於巫愚於賈哉嘉
定庚午冬為和劑局於中門之內招明醫一人躬診
視修製之事更一人佐焉掌凡出入之籍工一人供
凡役翔惠民局於大門外一吏掌之月一易所以佚

其勞革其好也主簿兼督之所以重其事也夫長民使民有疾無醫有而不備何以爲心乎後之君子孰無是心唯以是爲民命所係敬而無忽務廣本朝仁民之德而不屑屑於計利則不獨人享其福也天地鬼神不可欺也實可畏也本錢五百緡歲取贍安養院之餘者入焉

明布政分司行署在縣治東城隍廟左天順閒圮正統閒改建府館

興泉道行署在縣治東城隍廟右正統五年知縣邵公陽建成化二十年知縣方汝榮嘉靖八年知縣黃懌相繼修三十九年燬于倭四十五年知縣蔡常毓重修今廢

泉州府志

卷之十二

公署

三九

府館在縣治東舊爲布政分司行署正統五年知縣邵公陽改建嘉靖閒燬于倭知縣蔡常毓重修今廢源口巡檢司在龍興里洪武二十年徙爲同安田浦司正統五年復設巡檢馬郁建嘉靖二十八年移白葉坂三十五年仍復源口燬于寇萬歷二十年司裁陰陽學在龍津觀左嘉靖閒通判陳堯典建萬歷閒知縣章廷訓修今廢

醫學在縣治東嘉靖閒知縣黃懌建題曰濟生僧會司在縣北清水寺

道會司在縣南龍津觀今俱廢

同安縣治在三秀山南唐天成四年建署宋大中祥符五年縣令宋若水重建中有祐賢堂閩書朱子改為清心後改為牧愛又扁視民如傷又有六吾堂閩書舊書張子西銘于屏開元至元開縣令蘇進明宣德十年知縣張琦相繼修中為正堂左為幕廳正堂前為露臺隸亭甬道戒石亭儀門兩序為吏六房正堂後為穿堂西為架閣庫北為後堂後堂之後為內衙其廳曰鳴琴旋更為樂只儀門左為寅賓館右為縣獄儀門外東為土地

泉州府志

卷之十二

公署

四

祠南為譙樓扁曰拱秀樓左旌善亭右申明亭樓前為縣門成化九年知縣張遜修署乃買民地改立二亭於縣門外左右嘉靖閒知縣許仁艷一相先後立題名碑

于正堂之北

黃偉記凡公署有題名以紀厥官其來舊矣吾邑肇自隋唐而斯闕焉仁和竹厓許

子先尹德化以治優移吾邑未逾年考最乃於堂東立石類題國初以來令丞簿尉且紀其鄉若出身履歷不知者闕之虛左以俟續書屬予記焉謂將考其賢否以自警且以警夫將來者子惟是舉也豈特可以警夫父母斯土斯民也哉亦可以警夫斯土之士若民也夫父母於斯者皆聖君賢相以為賢才而禮命之者也閒有不才未必皆君相之誤也世惟中材最多士若民或因得以邪莊之奸利干之故始以廉能至者終或以貪暴去而自隋唐迄今千餘年閒雖不惑於士民者不少獨紫陽朱文公以主簿能速化士民為首稱而莫與京焉

嗚呼民不足責也士爲民望者亦爲之何心哉茲爲采
列實以示之凡登華堂覽貞石父母於斯者固得鑒別
賢否以爲勸戒而爲士若民者亦將指之曰某也賢不
受變於士民某也不賢士某實病之也安知讀紫陽書
者不咸勉厥修以復紫陽舊風也哉是爲記鄧一相自
爲記朝廷建邦樹侯設官分職務和人民以登諸理而
於縣職尤加意焉以其於民最親而治忽爲易致也同
邑負山濱海古閩越地任茲土者代有其賢而先後著
稱能以其邑爲望邑者必曰紫陽朱子嘗作簿於此竊
以爲人固私於賢者耳及考記載言公莅政纖悉必親
苟利於民雖勞無倦但賦稅出入之簿逐日點對以免
吏人作弊職兼學事選邑之秀民充弟子員訪求名士
以爲表率增修講問之法日與論說聖賢修己治人之
道秩滿俟代在同凡五載至於假民居以聚友生之嗜
學如許升輩皆以成名儒則其所爲之事固士君子所
得爲而中材或以爲無難者惟公本之以誠意正心之
學非若後人之託於公而復營其私無其心而徒爲其
事勉強於一時而不能持之於永久者之所爲也是以

泉州府志

卷之十二

公署

單

其感人最深而流澤最遠耳余一相自髫髻誦經卽知
有所謂紫陽夫子今以試任獲徼其人民社稷之遺凜
然惟棄褻是懼且其地方瘠薄民性慄悍而居無積聚
故囂於訟而逋於賦者恒多惟得情而以誠感之信其
程則而以義責之則亦未有不質成而輸其上者雖有
習俗之士亦皆易與爲善而不敢安於顯過則固紫陽
之化在於人心而未嘗泯者耳孔子曰斯民也三代之
所以直道而行也苟以直道使之則雖以同之民爲三
代之民無不可者而獨如紫陽哉日方與僚丞黃子昂
諸君登牧愛之堂觀官序之石指顧往哲得無忝於紫
陽私淑者有若而人求之而不得其善者有若而人森
然並列勸戒具存自後無復餘地矣黃子請曰將無以
書來者盡更之屬予爲記余固知士君子之立於世必
有不待石而傳亦未嘗以不傳而遂已於爲善又未嘗
以爲善而遂必其傳是石之立固無繫也但舜與跖居
如媼與妍對苟使改其不如舜以就其如舜未必如媼
者之必不可爲妍雖下愚必所不吝夫子言舊令尹之
政必以告新令尹嘉其心之公善也是舉也苟可以興

起夫人蚤夜之思而特以成其千百世之名則斯人之得爲朱子之徒者皆吾與之也所以公其善者不其至乎夫何吝而不爲哉乃礪石而就之

國朝順治閒署燬于寇康熙元年知縣卞世珍始建大堂十八年復燬于寇知縣金振麟蓋茅堂三十一年知縣馮兪昌建穿堂吏舍共九閒三十六年知縣李時熙建倉庫七閒四十一年署縣徐之霖重建大堂易茅爲瓦四十三年知縣路松年建穿堂後小樓及大門二門四十六年知縣蔣沛五十二年知縣朱奇珍乾隆二年知縣唐孝本相繼修

泉州府志

卷之十二

公署

四十二

丞廳在浯洲嶼金門

國朝雍正十二年從縣治左移駐

典史司在縣治東

灌口巡檢司在安仁里

國朝順治十八年從白礁改駐

石滸巡檢司在同禾里

國朝順治十八年從澳頭改駐

踏石巡檢司在民安里馬家巷

國朝順治十八年從官澳改駐

舊署附

宋丞廳在縣治左有堂曰簡靜後名省齋後圃有亭名

貯清宋時建

國朝順治閒燬于寇十六年丞王庭極重建後復屢被寇

燬丞亦移駐金門

主簿廨在縣治右廨內有高士軒朱子所建名勝志

宋紹興閒朱子為縣主簿廳事西北有一軒亢爽可

喜表而出之署曰高士軒

朱子自為記同安主簿廨皆老屋支柱殆不可居獨

西北隅一軒為亢爽可喜意前人為之以待夫治簿書之暇日而燕休焉然視其所以名則若有不屑居

泉州府志

卷之十二

公署

四三

之意子以為君子當無入而不自得名此非是因更以為高士軒而客或難予曰漢世高士不為主簿者實御史屬漢官御史府典制度文章大夫位上卿亞丞相主其簿書者名秩亦不卑矣彼猶以為免已而不顧焉故足以為高也今子僕僕焉在塵埃之中左右朱墨蒙犯箠楚以主縣簿於此而以高士名其居不亦戾乎予曰固也是其言也豈不亦曰士安得獨自高其不遭則可亡不為也乎子於其言蓋嘗竊有感焉然亦未嘗不病其言之未盡也蓋謂士之不遭可無不為若古之乘田委吏抱關擊柝者焉可也謂士不能獨自高則若彼者乃以未親夫高也夫士誠非有意於自高然其所以超然獨立乎萬物之表者亦豈有待於外而後高耶知此則知主縣簿者雖甚卑果不足以害其高而此軒雖陋高士亦或有時而來也顧予不足以當之其有待於後之君子云爾客唯唯而退因書之壁以為記又詩官署夜方寂幽林生月初閒居秋意遠花香寒露濡故園異時節欲歸懷簡書聊從西軒臥塵思一蕭疎又端居託窮巷廩

泉州府志

卷之十二

公署

四

食守微官事少心慮怡吏休庭宇寬晨興吟誦餘體
 物隨所安杜門不復出悠然得真歡良朋夙所敦精
 義時一殫壺餐雖牢落顧此非所歎又退食西軒詩
 窓戶納涼氣吏休散朱墨暫愒豈非閒無論心與迹
 又試院卽事詩端居惜春晚庭樹綠已深重門掩晝
 靜高館正陰沈披衣步前除悟物懷貞心澹泊方自
 適好鳥鳴高林又秋夕詩西齋坐竟日曠然誰與儔
 感茲風露夕始知天宇秋庭樹且扶疎時物詎淹留
 心空累云遠歲月真悠悠又公門了無事吏散終日
 閑涼葉何蕭蕭悲吟庭樹閒琴書寫塵慮菽水怡親
 顏憶在中林日
 秋天順開縣丞劉珣器重建
 羅倫記

朱先生之試吏同安簿也名其燕處之軒曰高士而
 自爲之記世與運推廢與興尋今劉珣器又因其廢
 而興之累數年之力而後成之既適倫以言斥提舉
 海船泉南同安隸泉郡因得拜公祠下訪珣器所興
 之高士軒在縣治西北隅列屋數楹以閒計者二十
 有二刻記于壁窓戶疎爽奇木佳卉有光舊觀門廡

庖溷畢具屬倫記之倫曰最乎高者天也人受天命
 以生高一也士獨以高命者以獨自高其高高不以
 人而高以天也士之列也聖也聖同天則聖也士之
 高者也士之獨自高而幾乎聖則其高以天也高以
 天而命之曰高宜也故顏子之仰彌高子思之極高
 明孟子之尚志皆希聖之高以自高其高非以人以
 天也之人也之高也雖不遭也有可爲乎彼漢之高
 士廼謂士不可得獨自高必遭則亡不可爲已此高
 以人非天也公所以譏其未觀乎高也公之自高也
 居敬窮理以立其本而又反躬以踐其實必使人欲
 渙淨天理純完浩浩乎駸駸乎聖同天公之高天也
 非人也雖不遭而亡不可爲也孟子所尚子思所極
 顏子之所仰者也後之士也由公以遡孟由孟以遡
 思由思以遡顏尚之又尚至於無可尚極而又極至
 於無可極仰而又仰至於無可仰若乃而高可幾也
 若乃雖不遭而亡不可爲也若乃而命之曰高亦宜
 也後之士也公之望之也固如是若乃口耳乎是貌
 像乎是以媒利祿囹聲譽一獲幸焉則雄誇氣醖摩

雲霄而軋山嶽授以一命而盼羣黎無異乎一狼而牧羣羊也猶且施施然號於人曰吾士也高莫吾若也何異乎處園溷而目爲鈞天者哉公之望後之士者固如是哉書此以復珣器以詔于後之士有志于高者亦自卑而升之一助云

國朝康熙五十二年知縣朱奇珍復建

尉廳在東門外直縣治正北西偏爲甲仗庫又西偏爲小廳其後有梅齋門之外有秀野亭前爲教場有堂名整暇

明察院行署在縣治東萬曆三十一年知縣王世德重建今廢

泉州府志

卷之十二

公署

四十五

布政分司行署在縣治西大輪驛左舊爲稅課局正統閒知縣朱徽建成化十一年知縣張遜隆慶閒知縣鄧一相相繼修今廢

按察分司行署在縣治東舊爲惠民藥局又改爲道署後乃爲司正統閒知縣張節成化閒知縣張遜相繼修今廢

興泉道行署在縣治東

正統九年

知縣張節成化十一年

知縣張遜相繼修

海道行署在中左所西門外今廢

府館在察院右後建大同書院今移

海防館在中左所城西門內萬歷三十一年同知楊一桂建今廢

高浦巡檢司舊在縣西積倉坂後徙縣南二十二都萬歷九年裁

塔頭巡檢司舊在石湖徙置二十二都塔頭村後裁
峯上巡檢司舊在縣十八都從南安蓮河徙此後改
下店今裁

田浦巡檢司舊從安溪源口渡徙置十八都浯洲嶼

泉州府志

卷之十二

公署

四六

後裁

陳坑巡檢司舊從晉江石井鎮徙置十八都浯洲嶼
後裁

官灣巡檢司在十七都

國朝移駐踏石

烈嶼巡檢司在二十都從灣頭徙此

國朝移駐石滸以上七司皆洪武二十年建

灣頭巡檢司在縣西十一都正統年閒設今廢

芋溪巡檢司在十三都正統元年設萬歷九年改建

白礁充龍山

國朝移駐灌口

浯洲場鹽課司在十七都洪武二十五年建轄倉埕十四所曰永安曰官灣曰田墩曰沙美曰浦頭曰南埕曰季保曰古寧曰寶林曰東沙曰方山曰斗門曰烈嶼曰南北二倉今改歸鹽政

稅課局在縣西桂林坊內正統閒改爲布政分司行署

河泊所在縣三都浦頭洪武十六年設今廢

泉州府志

卷之十二

公署

四七

陰陽學在縣治南擢賢坊今廢

醫學在縣治東城隍廟右成化十八年建今廢

僧會司在光天寺

道會司在朝元觀

武職署

陸路提督軍門本明泉州衛及察院諸行署地在雲山舖雙門正北

國朝順治初提督趙國祚康熙閒提督楊捷張雲翼增建中爲正堂前爲露臺甬道儀門儀門外爲門樓東西爲

鼓吹臺為轅門轅門之外為將裨官廳鼓吹臺之南左為經文門右為緯武門又南為譙樓曰威遠即元明所修者雍

正六年提督石雲倬重修後為穿堂三堂四堂堂後為

內署署後為土山為露臺正堂下兩序為本藁諸房東

序外為財神廟廟後為官廚為夾室為羣房又東為東

花廳北有複屋平臺其高數仞顏曰拱勝即唐北樓舊址西序

外為小射圃北為退食堂有方池假山亭閣諸勝西為

大射圃上為閱射亭北為準提閣又西為馬圃北為馬

明王廟又署內有靜觀堂康熙開提督張雲翼建雲翼自為

泉州府志

卷之十二

公署

四六

記人之言曰官如傳舍余獨以為不然夫以傳舍視其官則必有因循苟且之弊或至小大廢弛非善道也翼

聖主為太平邊帥常捐已貲構堂於署中雖屢仰是資亦

欲後之來者知余不敢矣堂之北

因其覆土衣以文石即邱壘爭之巖登

高而望見煙洲霞嶼左山清江

連續西北接江之從効之

所以據有一方面近也窺伺也

國家鼎盛建七地聖土未雨至矣有

邊疆之責考云得不加之意哉既成乃即亭臺洞

沼之幽合而名之以堂觀因刊石而為之記

中營叅將署在勝果舖大溝墘守備署在行春舖相公巷

舊分駐安溪雍正八年改駐府城

溪徐州墟

左營遊擊署在勝果舖湖垣守備署在勝果舖虎頭山街

右營遊擊署在清源舖上街陳衙口又有駐署在永寧衛
乾隆七年建守備署在西北盛賢舖彩橋下

前營遊擊署在勝果舖廣平倉左守備署在鎮撫司街又
有分駐署在惠安縣

後營遊擊署在勝果舖東門溝墘守備署在勝果舖廣平
倉左

本標五營軍器庫俱在各營守備署內

提督軍門及本標五營教場一在府城東一在府城南

卽明泉州
衛教場

又中營駐防安溪縣把總演武場在縣治南

泉州府志

卷之十二

公署

四九

又右營駐劄晉江永寧衛遊擊演武場在衛城西門外

又前營駐防惠安縣守備演武場在南門外

城守營叅將署在會井舖花棚下都司署在晉江縣安海

汛守備署在奉聖舖西門城街

本營軍器庫在守備署左

本營演武場與提標同又一在叅將署後又駐防晉江

安海汛都司演武場在北門埔駐防南安縣千總演武

場在南門外

水師提督軍門在同安縣東南廈門城

國朝康熙二十四年將軍侯施琅建中爲正堂東西廊爲本稿諸房前爲露臺甬道儀門大門外爲鼓吹亭南爲轅門轅門外爲將裨官廳正堂後爲穿堂爲內署又後爲來同別墅鄭纘祖說大將軍施公受命專征既平海東南舟楫輻輳地左挹山光右收海色萬頃滙瀾諸峯競秀有負山襟海之勢軍旅之暇公於府治後因地高下爲園爲堂爲齋爲亭爲軒窓臺榭各極幽曠地故多巨石又從而松之竹之梅之桐之大不盈數畝高出城上俯瞰內外如列眉睫閒予客其中四閱月悠哉忘返客有問予曰美哉園亭所以命名其義可得聞乎予應之曰可夫園曰涵園言海也涵萬象也堂曰足觀觀於海而足也示不驕不吝也亭曰青礪曰介亭枕漱也帶礪也介于石也不苟取也齋曰旭齋軒曰醉月昭其明也曰指昇遠不忘君也曰羅浮懷彼美也客曰美哉園

泉州府志

卷之十二

公署

辛

亭其義我知之矣然則園之外有曰來同別墅其說何居子其更爲我言之子曰難言也雖然嘗聞之矣其在詩曰徐方既來徐方既同天子之功公其以臺灣新入職方猶徐方之來同歟論曰有朋自遠方來易曰同人于野公其樂與賓從遊歟抑外國之梯航來此者于以見車書之會同歟或曰公起家于同廈同地也公其復來建牙歟別墅賭碁也其以誌彭海之奇捷歟是皆未可知也然予見公鑿海築堤引流入池藏巨艦焉其易也如覆杯水於坳堂以芥爲之舟公固有移山倒海之規模園亭結構其小焉者嘗贈予初度詩曰臘月青霜梅吐妍乾坤運轉却知年公之胸懷高曠又何如知其命意遠矣然則未可知者未之知也其可知者又豈能盡知之哉客喜而笑相與據石引滿陶然而醉不知月出於東山之上東爲夾道道東爲

幕廳內爲司廳外爲射圃署西爲大道爲廳事又有足觀堂澄心堂八風亭方池怪石諸勝最北有亭跨北城

爲城中最高處可以望遠

中營叅將署在廈門城內守備署在廿四崎

左營遊擊署分駐石馬守備署在洪本部渡頭

右營遊擊署在關子內守備署在懷德宮

前營遊擊署在後崎尾守備署在廈門港

後營遊擊署在國公府守備署在火藥局

本標中營軍器庫在廈門城北門舊在鎮南關外

國朝乾隆十七年提督李有用移建今所左營軍器庫在

廈門城內西庵宮邊右營軍器庫在廈門城北門內前

泉州府志

卷之十二

公署

五

營軍器庫在廈門城隍廟右後營軍器庫在廈門城北門

提督軍門教場在南普陀寺前

本標五
營同

金門鎮總兵官署在同安縣浯洲嶼後浦

國朝康熙閒總兵官陳龍改建中爲正堂爲儀門左右爲

鼓吹亭南爲轅門轅門外爲將裨官廳後爲內署東爲

東花廳羣房西爲西園幕廳

左營遊擊署守備署俱在後浦

右營遊擊署守備署俱在後浦

本標左營軍器庫在後浦西右營軍器庫在後浦西南
總兵官教場在後浦社東南

本標左
右營同

同安城守營叅將署在縣城都司署在灌口汛守備署在
縣城

本營軍器庫在守備署右

本營演武場在朝元門內

舊署 附

宋福建兵馬都監廳舊在肅清門外嘉定辛巳守宋鈞
改爲行衙乃闢都教場於朝天門內舊全捷營之側

泉州府志

卷之十二

公署

五

移營屋於舊教場以餘地作兵馬都監廳

殿前司左翼軍統制廳在府城東三十九都以東禪

護安太平龍湖報慈五院隙地合建營寨設統制廳

以領之元至元中以其軍隸左副萬戶府廳廢

元左副新刷土軍萬戶府在府北泉山門外至元閒以

殿前司左翼軍隸於府復刷土軍以益之乃立營建

署於州之後門萬戶赤干遷建今所明洪武初歸附

調其軍隸山東寧海衛署廢

明泉州衛指揮使司在府治西鎮雅坊之北卽宋州治

也元改爲泉州路總管府洪武元年改爲衛署三年
指揮同知李山重建正堂之東爲架閣庫譙樓之東
爲鐘樓宣德十年指揮使王濬修天順三年指揮使
王振指揮僉事趙立復相繼修建天啓六年守沈翹
楚修譙樓史繼偕記郡故有譙樓相傳唐末閩越王
石如城稍北九十步爲應門應門者第二門也歷宋
元因其舊改譙樓爲測漏所後屢圯屢葺至正年間
乃大新之而舊志莫攷按陶人款識有至正元年字
則建於是年疑我朝改郡爲衛正統年燬撤而新
之而移其址於第二門則實繇正統間始歲久漂搖
日就傾圯於是郡大夫漢陽沈公來守是邦慨然引
爲已責以其羸若干鎊爲文武吏倡余不佞及諸薦
紳各出橐中裝佐之詳具大夫所爲記中說者謂郡

泉州府志

卷之十二

公署

三

城中含七山斯樓實踞其中以故人文甲天下繇地
脉所團聚處今茲一飭治閒山川愈以開明靈秀倍
爲映發此其効獨一測漏知時已哉文武爲憲大夫
有之是可書也役始丙寅三月竣于八月大夫爲酒
招余落之而系以詩於赫泉山牛女分躔郡治踞之
靈異結蟠爰有譙樓翬飛雲連重階疏寮海邦所瞻
傳且千祀豐極而圯間或增修補苴焉已浸尋弗支
疇度疇理哲匠應期沈侯則以義問一宣羣公咸應
迨及簪紳斥貲相競是築是營無煩後命層構幻成
麗譙遜盛廼命芳筵把酒酌天中和樂職天子萬年
文廟峙東武衛後列佳氣葱蘢孕爲材杰仰贊皇
猷星輝月潔太史陳風天顏閭悅○按記以開府治
爲王審知事與諸說不同至所云至正元年新樓又
與元吳鑿譙樓記年分未合但陶器年久元字或九
字之漫歟○經歷司在衛堂之東架閣庫之後洪武三年
指揮同知李山建成化十五年指揮僉事丁遠重建

十七年指揮使王炫復建經歷廨舍於衛儀門外之東○鎮撫廳在衛儀門外西南卽宋通判廳也洪武六年改爲鎮撫廳鎮撫曹義重修歲久而圯成化十八年指揮王炫督鎮撫徐祝重建未克就○左千戶所在衛儀門外東南宋僉書判官廳故址也洪武九年千戶周勛創建東西兩廊列十百戶所成化十八年副千戶何禎購工修葺○右千戶所在左千戶所之東亦宋僉書判官廳故址也景泰二年千戶方清重修成化十二年重建儀門○中千戶所在鎮撫廳

之東正統十二年正千戶武成重建正廳成化十二年副千戶李景壽重建儀門十八年正千戶宋安重修正廳及兩廊○前千戶所在右千戶所之東宋市舶司庫故址也景泰元年正千戶秦傑重建正廳及後堂成化十二年副千戶章欽重修兩廊十八年正千戶秦昇重建兩翼及儀門○後千戶所在前千戶所之東宋司法叅軍廳故址也宣德十年副千戶趙立景泰五年正千戶翟紀相繼修葺成化十九年千戶江宏同百戶湯泉重建東廊工未克就○收料庫

在衛西廊成化十三年巡按監察御史戴用令指揮童源翔設以貯出海休息并軍器等料銀○軍器局在衛署之東宋南天王堂故址也元時爲軍器庫後廢洪武初卽其址建軍器局正統二年指揮使王濬修建○教場在府城南門內天妃宮東北中爲演武亭洪武三年指揮同知李山翔建宣德十年指揮王濬重修并建五所官廳於亭之東西成化十六年指揮同知陶琨重修十七年指揮使王炫復增建後廳并東西南北四隘門

泉州府志

卷之十二

公署

五十五

永寧衛指揮使司在晉江縣東南二十都洪武二十一年江夏侯周德興創建架閣庫在儀門內之東軍器庫在儀門內之西鼓樓鐘樓俱在衛之左○經歷司在衛堂之左○鎮撫廳在衛北門內之右○監房在西廊之後○左千戶所在衛西譙樓之左東西兩廊列十百戶所宣德五年火景泰四年正千戶張俊重建工未克就天順八年復壞於風雨○右千戶所在衛西門內之右景泰閒圯惟儀門僅存○中千戶所在衛東南小東門內○前千戶所在衛南門之右上

二千戶所皆圯○後千戶所在衛西譙樓之右亦景泰閒圯惟儀門僅存○公館在衛城西門內正統十二年指揮同知錢輅劾建以爲上司及使客館寓之所○收料庫在衛西廊成化十三年巡按監察御史戴用令指揮使楊晟劾設○軍器局在衛城中城隍廟左歲久圯壞成化閒指揮使楊晟移於衛之西廊○教場在衛城西門外坡上舊在大東門之東永樂四年指揮僉事沈瑾移置今所中爲演武亭成化十七年指揮楊晟增建左右翼房繞以周垣

泉州府志

卷之十二

公署

五十六

福全守禦千戶所在晉江縣東南十五都洪武二十年江夏侯周德興劾建兩廊列十百戶所成化五年正千戶蔣輔重建○教場在所城東門內北偏

崇武守禦千戶所在惠安縣東二十七都洪武二十年江夏侯周德興以小兜巡檢司舊址劾建兩廊列十百戶所○教場在所城東門外

中左守禦千戶所在同安縣西南二十三都嘉禾嶼洪武二十七年都指揮謝柱徙建寧衛中左千戶所劾建兩廊列十百戶所

金門守禦千戶所在同安縣東南十九都浯洲嶼洪武二十年江夏侯周德興創建兩廊列十百戶所○教場在所城北門外

高浦守禦千戶所在同安縣西南十四都洪武二十三年徙永寧衛中右千戶所創建更今名兩廊列十百戶所○教場在所城北門外

白葉坂守禦千戶所在安溪縣白葉坂

叅將府在中左所春冬二汛駐劄處後廢

舊浯嶼寨公館在中左所西門外後寨移署廢

泉州府志

卷之十二

公署

五七

泉州府志卷之十二終